

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, Sarajevo, koju zastupa policijski komesar, Generalni inspektor policije Fatmir Hajdarević, (u daljem tekstu Ugovorni organ)

i

DEJAN MIHOLJČIĆ, vl. KLICHER PRODUCTION o.d. Koste Hermana 1, 71000 Sarajevo, ID: 4302589670001 koga zastupa vlasnik Dejan Miholjčić, (u daljem tekstu: Dobavljač)

zaključili su:

## **UGOVOR O NABAVCI USLUGA PRODUKCIJE – FOTO I VIDEO SNIMANJA, OBRADE I MONTAŽE ZA CEREMONIJU POLAGANJA ZAKLETVE KADETA**

### **Član 1.**

Predmet ugovora je nabavka usluga "Produkcije – foto i video snimanja, obrade i montaže" za "Ceremoniju polaganja zakletve kadeta" za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu odluke broj 02-11-4-4950/25 od 19.08.2025. godine.

Ponuda Dobavljača od 20.08.2025. godine je sastavni dio ovog Ugovora.

### **Član 2.**

Ukupna vrijednost ovog ugovora iznosi 2.980,00 (dvijehiljadedevetstinaosamdeset i 00/100) KM bez PDV-a.

Dobavljač se obavezuje da se cijene iz Ponude neće mijenjati do isteka ovog Ugovora.

### **Član 3.**

Dobavljač se obavezuje da će usluge iz člana 1. ovog Ugovora pružati tokom cijelog perioda važenja ovog ugovora.

### **Član 4.**

Dobavljač je dužan blagovremeno pružati ugovorene usluge iz člana 1. ovog Ugovora po profesionalnim, stručnim i uobičajenim standardima koji važe za vrstu usluga koje su predmet nabavke.

Dobavljač se obavezuje da će navedene usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Davalac usluga se obavezuje priznati reklamaciju na kvantitet i kvalitet izvršenih usluga, koja će biti praćena zapisnikom o reklamaciji, uz obavezno navođenje nedostataka izvršene usluge.

Način i rok otklanjanja grešaka bit će utvrđen zapisnikom o reklamaciji.

**Član 5.**

Ugovorni organ će ugovorenu cijenu platiti u roku od 30 (trideset) dana od dana uredno izvršene usluge i dostavljanja fakture na tekući račun Dobavljača

**Član 6.**

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

**Član 7.**

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

**Član 8.**

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.


**Član 9.**


Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

**Član 10.**

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorenih obaveza ugovornih strana odnosno do izmirenja dužničko-povjerilačkih odnosa.

**KLICKER PRODUCTION O.D.  
SARAJEVO**

  
vlasnik  
**Dejan Miholjčić**



**UGOVORNI ORGAN  
MUP KANTONA SARAJEVO  
UPRAVA POLICIJE**

  
**POLICIJSKI KOMESAR  
Generalni inspektor policije  
Ratmir Hajdarević**

Broj : 110/25  
Datum : 27.08.2025.

Broj: 02-11-4-4950-3/25  
Datum: 22.08.2025. godine